

## Zerbitzuari lotutako prestazio ekonomikoa -ZLPE-

### Fitxa interneten bistaratu

## INFORMAZIO OROKORRA

### Helburua

Mendekotasuna duen pertsonak, eguneko zentro edo egoitza publiko nahiz itundutako batean sartzeko itxaron zerrendan egonik, kontratatuta duen plaza pribatuaren kostuari aurre egiteko helburua du prestazio ekonomiko honek.

### Nork tramitatzen du

- GIZARTE POLITIKETAKO DEPARTAMENTUA
- Plangintzako, Inbertsioetako eta Prestazio Ekonomikoetako Zuzendaritza Nagusia
- Plangintzako, Ituneko eta Prestazio Ekonomikoetako Zerbitzua

### Nori zuzenduta

Mendekotasun egoeran dauden pertsonak: I, II eta III graduak edo mendekotasuna baloratzeko baremoan (MBB) 25 puntutik 100 puntura.

### Baldintzak

- Mendeko pertsona bezala baloratuta egotea, edozein delarik gradua.
- Espainiako nazionalitatea izatea edo legezko egoitza Espainian izatea (adingabeak izan ezik).
- Gutxienez 5 urtez, Espainian edo Europar Batasunean legez bizi izana; horietatik bi gutxienez eskaera aurkeztu aurreko bi urteak izan beharko dute (salbuespenak daude).
- Gipuzkoan erroldatuta egotea eta bizi izatea.
- Kontratu bidez egiaztatzea plaza pribatuan egoitza zerbitzua edo eguneko arreta jasotzen duela.
- Zerbitzu publikoaren itxaron zerrendan egotea (3 hilabete eguneko arretarako zerbitzurako).

### Zenbatekoa

Urteko 12 ordainketa egingo dira. Mendekotasunaren arabera gehieneko zenbatekoak:

III Gradu edo 75 puntutik 100 puntura MBBan: 800€ (egoitza) / 500€ (eguneko zentrua)

II Gradu edo 50 puntutik 74 puntura MBBan: 800€ (egoitza) / 500€ (eguneko zentrua)

I Gradu edo 25 puntutik 49 puntura MBBan: 300€ (egoitza) / 300€ (eguneko zentrua)

Zenbatekoa zerbitzuaren kostu errearen arabera zehaztuko da eta gehienez aipatu diren kantitateak ordainduko dira.

Gehieneko kopurua murriztu daiteke (informazio gehigarria ikusi)

### Ordaintzeko modua

Mendekotasuna duen pertsonak eskaeran adierazten duen kontuan hila burututa. Eskatzailea aipatutako kontuko titular izan beharko du.

## HASIERA ETA ESKAERA

### Aurkeztu beharreko formularioak eta ereduak

Eskaera beteko dute mendekotasun egoeran dagoen pertsona bizi den udalerriko Gizarte Zerbitzuek.

[Eskaera orria](#)

### Aurkeztu beharreko agiriak

- **Eskaera normalizatua**, eskatzaileak edo erregistro bateratuan haren ordezkari gisa izena emanda dagoenak **sinatua**.
- **Prestazioa kobratzeko erabiliko duen kontuaren bankuko frogagiria edo libretaren fotokopia** (kontuak eskatzailearen izenean egon behar du; adingabeen kasuan soilik, gurasoak izan daitezke titularrak).
- **Errolda agiriak**. Espainian edo EBN gutxienez bost urtez erroldatuta egon izana egiaztatu behar da, eta horietatik bi behintzat eskaera aurkeztu aurreko bi urteak izango dira (aditxikikoak ezik). **Ez da beharrezkoa Gipuzkoan erroldatuta egondako epealdietako errolda agiriak aurkeztea.**
- **Ezkonduek edo izatezko bikoteak**: familia liburuaren fotokopia edo Izatezko Bikoteen Erregistroko ziurtagiri.
- **Bananduek eta dibortziatuak**: banantze epaiaren fotokopia, eta, halakorik balego, hitzarmen arauemailearena.ç
- **Atzerrian jaiotako pertsonak**: Estatuan edo EBN emandako legezko aldien ziurtagiria, atzerritarren bulegoak emana. Legez emandako bost urte egiaztatu behar dira.
- **Azken ekitaldiko errenta aitortpena Gipuzkoatik kanpo egin bada**: azken errenta aitortpenaren fotokopia, bizikidetzaren unitateko kide guztiena.
- **El contrato suscrito por la contratación del servicio privado** (servicio residencial o de centro de día).

### Eskaera moduak

- » Presentziala

## Zuzeneko arretarako bulegoak

Eskaera aurkeztuko da mendekotasun egoeran dagoen pertsona bizi den [udalerriko Gizarte Zerbitzuetan](#).

## EBAZPENA

### Ebazteko gehienezko epea

3 hilabete.

### Administrazioaren isiltasuna

Ezestekoa

### Honen bidez jakinarazten da

» Ohiko postaz

## ARAUDIA

[24/2017 Foru Dekretua](#), 2017ko abenduaren 12koa, Gipuzkoako Lurralde Historikoaren esparruan, mendekotasun egoeran dauden pertsonen autonomia pertsonala eta laguntza sustatzeko 2006ko abenduaren 14ko 39/2006 Legearen prestazio ekonomikoak arautzekoa. (GAO 2017/12/28).  
[2017ko abenduaren 27ko Diputatuen Kontseiluaren Erabakia](#), mendekotasunerako prestazio ekonomikoen gehienezko diru kopuruak onartzen dituenak. (GAO 2017/12/29)  
[39/2006 mendekotasun legea](#), abenduaren 14koa, mendekotasun egoeran dauden pertsonen autonomia pertsonala eta laguntza sustatzekoa (2006ko abenduaren 15eko Estatuko Aldizkari Ofiziala).

## INFORMAZIO OSAGARRIA

### Oharrak

Urtearen lehen hiruhilekoan, aurreko urtean izandako benetako gastuak frogatu beharko dira eta gastu horiek ezingo dira jasotako prestazioa baino txikiagoak izan.

Baldintza sozio-ekonomikoak aldatuz gero, 30 eguneko gehienezko epean jakinarazi behar da.

Oker jasotako diru zenbatekoak itzuli behar dira.

### Informazio gehigarria

#### Gizarte zerbitzuekin bateragarritasuna

Egoitzako zerbitzuari lotutako prestazio ekonomikoa jasotzea eta, aldi berean, beste gizarte zerbitzu publiko edo itunduren bat ere jasotzea bateragarria edo bateraezina den, taula honetan azaltzen da:

- **ZERBITZUA:** Egoitza arreta iraunkorra  
**PRESTAZIO EKONOMIKOA:** Bateraezina
- **ZERBITZUA:** Etxez Etxeko Laguntza  
**PRESTAZIO EKONOMIKOA:** Bateraezina
- **ZERBITZUA:** Eguneko zentroa  
**PRESTAZIO EKONOMIKOA:** Bateraezina
- **ZERBITZUA:** Arreta okupazionala  
**PRESTAZIO EKONOMIKOA:** Bateraezina
- **ZERBITZUA:** Denboraldirako egonaldiak  
**PRESTAZIO EKONOMIKOA:** Bateraezina
- **ZERBITZUA:** Teleasistentzia  
**PRESTAZIO EKONOMIKOA:** Bateraezina
- **ZERBITZUA:** Gizarte eta osasun zentroak, psikiatria zentroak eta antzekoak  
**PRESTAZIO EKONOMIKOA:** Bateraezina

Eguneko Zentroko zerbitzuari lotutako prestazio ekonomikoa beste zerbitzu hauetakoren bat aldi berean jasoz gero (etxez etxeko laguntza; aldi baterako egonaldiak; zentro sozio-sanitarioko egonaldiak; psikiatria zentroetako egonaldiak; eta antzekoak), prestazioa eten egingo da edo, bestela, prestazio ekonomikoari kenketa hau egingo zaio:

-Etxez etxeko laguntza: %20ko kenketa.

-Aldi baterako egonaldiak; zentro sozio-sanitarioko egonaldiak; psikiatria zentroetako egonaldiak; eta antzekoak: aldi baterako etetea urte naturalean bi hilabete baino gehiagoko egonaldietan.

### **Gehienezko prestazioaren murrizketak**

- Lehenengo, prestazioaren zenbatekoa kalkulatzeko hartuko dira kontuan bai eskatzailearen bai elkarbizitza unitateko beste kideen Pertsona Fisikoen Errentaren gaineko Zergan aitortutako edo egiaztatuko etekinak. Horrela, %100 jaso daiteke edo %10, %20 edo % 30 gutxitu daiteke.
- Ondoren, bateragarri/bateraezineko erregimenean ezarritako kenkariak ere aplikatuko dira (eguneko zentruko zerbitzuari lotutako prestazioaren kasuan): Etxez etxeko laguntza (%20ko kenketa).
- Jarraian, gizarte babeseko sistema publikoan ezarrita dagoen izaera eta xede berdintsuko beste prestazioaren bat jasotzen bada, haren zenbatekoa ere kendu egingo da, bereziki hauek: 1.- Erabateko ezintasun iraunkorreko pentsioaren baliaezintasun handiaren osagarria. 2.- Norberaren kargura 18 urtetik gora eta %75 edo gehiagoko desgaitasuna duen seme-alabengatik ematen den diru kopurua. 3.- Beste norbaiten beharragatik ematen den baliaezintasuneko kotizatu gabeko pentsioaren osagarria. 4.- Beste norbaiten laguntza beharragatik emandako subsidioa minusbaliatuak gizarteratzeari buruzko legekoa.
- Azkenik, prestazioaren zenbatekoak ezingo du inoiz gainditu zerbitzua ordaintzeagatik izandako benetazko kostua.